

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA PILI**

**04 APRILI, 2018**



## ORODHA YA SHUGHULI ZA LEO

### MKUTANO WA KUMI NA MOJA

KIKAO CHA PILI – TAREHE 04 APRILI, 2018

I. DUA:

II. HATI ZA KUWASILISHA MEZANI:

WAZIRI MKUU:

Hotuba ya Bajeti ya Ofisi ya Waziri Mkuu kwa Mwaka wa Fedha 2018/2019.

MWENYEKITI WA KAMATI YA KUDUMU YA BUNGE YA KATIBA NA SHERIA:

Taarifa ya Kamati ya Kudumu ya Bunge ya Katiba na Sheria kuhusu Utekelezaji wa Majukumu ya Ofisi ya Waziri Mkuu kwa Mwaka wa Fedha 2017/2018 pamoja na Maoni ya Kamati kuhusu Makadirio ya Mapato na Matumizi ya Ofisi hiyo kwa Mwaka wa Fedha 2018/2019.

## **MWENYEKITI WA KAMATI YA KUDUMU YA BUNGE YA BAJETI:**

Taarifa ya Kamati ya Kudumu ya Bunge ya Bajeti kuhusu Maoni ya Kamati hiyo juu ya Utekelezaji wa Bajeti ya Mfuko wa Bunge kwa Mwaka wa Fedha 2017/2018 pamoja na Makadirio ya Mapato na Matumizi kwa Mwaka wa Fedha 2018/2019.

## **MWENYEKITI WA KAMATI YA KUDUMU YA BUNGE YA MASUALA YA UKIMWI:**

Taarifa ya Kamati ya Kudumu ya Bunge ya Masuala ya UKIMWI kuhusu Utekelezaji wa Majukumu ya Ofisi ya Waziri Mkuu (Tume ya Uratibu na Udhubiti wa UKIMWI) kwa Mwaka wa Fedha 2017/2018 pamoja na Maoni ya Kamati kuhusu Makadirio ya Mapato na Matumizi ya Ofisi hiyo kwa Mwaka wa Fedha 2018/2019.

## **MSEMAJI MKUU WA KAMBI RASMI YA UPINZANI KUHUSU OFISI YA WAZIRI MKUU:**

Taarifa ya Msemaji Mkuu wa Kambi Rasmi ya Upinzani kuhusu Ofisi ya Waziri Mkuu juu ya Makadirio ya Mapato na Matumizi ya Ofisi hiyo kwa Mwaka wa Fedha 2018/2019.

### III. MASWALI:

#### OFISI YA RAIS (TAMISEMI):

#### 10. MHESHIMIWA SUZAN CHOGISASI MGONOKULIMA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Tangu kutangazwa Sheria ya kuzitaka Halmashauri zote nchini kutenga asilimia 10 ya mapato yake kwa ajili ya Wanawake na Vijana:-

Je, ni nini kinaifanya Serikali kutokuwa na taarifa ya mfuko huo kujua una kiasi gani cha fedha.

#### 11. MHESHIMIWA ESTER ALEXANDER MAHAWE (VITI MAALUM):-

Atamuuliza Mheshimiwa Waziri wa Nchi, Ofisi ya Rais (TAMISEMI):- Takwimu zinaonyesha upungufu mkubwa wa matundu ya vyoo zaidi ya laki mbili katika Shule mbalimbali za Sekondari na Msingi:-

(a) Je, nini mkakati wa Serikali wa kumaliza tatizo hilo;

(b) Je, Serikali haioni sasa ni muda muafaka wa kuja na mkakati mbadala kama ilivyofanya

wakati wa kumaliza tatizo la madawati na maabara nchini.

**12. MHESHIMIWA JOSEPH KIZITO MHAGAMA (MADABA):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Idadi ya watu nchini inazidi kuongezeka; ongezeko hili linaenda sambamba na ongezeko la mahitaji ikiwemo ardhi kwa ajili ya kilimo na ufugaji:-

Je, Serikali ina mpango gani wa kuwajengea uwezo Wakulima na Wafugaji ili kuendesha shughuli zao katika maeneo madogo lakini kwa tija na kuwaondolea adha wanazozipata.

**WIZARA YA AFYA, MAENDELEO YA JAMII, JINSIA, WAZEE NA WATOTO:**

**13. MHESHIMIWA DKT. JASMINE TISEKWA BUNGA (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Hospitali ya Mkoa wa Morogoro pamoja na changamoto zinazoikabili za kuwa na wagonjwa wengi, kukosekana kwa Hospitali za Wilaya, kupokea majeruhi wa ajali mbalimbali lakini hadi sasa Hospitali hiyo inatumia X-ray za zamani ambazo ni chakavu hivyo kusababisha usumbufu mkubwa kwa Wagonjwa:-

Je, ni lini Serikali itapeleka X-ray ya kisasa – “Digital X-ray” ili kuondokana na adha kubwa wanayopata Wagonjwa.

## **WIZARA YA MIFUGO NA UVUVI:**

### **14. MHESHIMIWA ZAINAB ATHUMAN KATIMBA (VITI MAALUM):**

Atamuuliza Mheshimiwa Waziri wa Mifugo na Uvuvi:-Tanzania ni nchi ya pili kwa kuwa na mifugo mingi barani Afrika:-

Je, Serikali haioni ni wakati muafaka wa kupiga marufuku uingizwaji wa nyama kutoka nchi za nje ili kuruhusu ukuaji wa viwanda vya nyama nchini.

## **WIZARA YA UJENZI, UCHUKUZI NA MAWASILIANO:**

### **15. MHESHIMIWA MATTAR ALI SALUM (SHAURIMOYO):**

Atamuuliza Mheshimiwa Waziri wa Ujenzi, Uchukuzi na Mawasiliano:- Usafiri wa kutumia Bandari ni usafiri muhimu sana na ni wa lazima kwa watu wanaotoka Tanzania Bara kwenda Unguja na Pemba na zipo Kampuni zinazotoa huduma ya usafirishaji lakini hazitoshelezi katika kutoa huduma hiyo muhimu:-

Je, Serikali ina mkakati gani wa kununua Meli ili kukidhi mahitaji ya usafirishaji wa watu wetu.

**16. MHESHIMIWA HAROON MULLA PIRMOHAMED (MBARALI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Rujewa – Madibira ni tegemeo na ni kiungo muhimu kati ya Rujewa – Madibira na Madibira – Mafinga na Serikali imekuwa ikitoa ahadi kwa muda mrefu kwamba itajengwa kwa kiwango cha lami:-

Je, ni lini sasa barabara hiyo itaanza kujengwa.

**WIZARA YA ARDHI, NYUMBA NA MAENDELEO YA MAKAZI:**

**17. MHESHIMIWA HALIMA JAMES MDEE (KAWE):**

Atamuuliza Mheshimiwa Waziri wa Ardhi, Nyumba na Maendeleo ya Makazi:- Kumekuwa na mgogoro wa muda mrefu sana unaohusu eneo lenye ukubwa wa ekari 357.5 Boko Dovy-Kawe-Kinondoni baina ya Wananchi na watu wanaojitambulisha kuwa wamiliki halali wa eneo hilo maarufu kama 'SOMJI'; Wananchi katika hatua mbalimbali wamepeleka malalamiko Serikalini kuanzia ngazi ya Wilaya, Wizara ya Ardhi na hata kwa Waziri Mkuu lakini mpaka sasa hakuna utatuzi uliofanyika.


Je, hatua gani zimeanza kuchukuliwa ili kero hiyo ya muda mrefu imalizike.

**WIZARA YA FEDHA NA MIPANGO:**

**18. MHESHIMIWA JASSON SAMSON RWEIKIZA (BUKOBA VIJINI):**

Atamuuliza Mheshimiwa Waziri wa Fedha na Mipango:- Kampuni ya Chai Maruku ilibinafsishwa kwa Wawekezaji ili kuendeleza uzalishaji. Tangu Kampuni hiyo imebinafsishwa Wakulima hawalipwi fedha za mauzo ya Chai kwa wakati na Wafanyakazi hawalipwi mishahara na stahiki zao ipasavyo:-

Je, katika hali hiyo kwa nini Serikali isivunje Mkataba na Mwekezaji na kurejesha umiliki Serikalini au kwa Mwekezaji mwingine atakayejali maslahi ya Wakulima na Wafanyakazi.



**WIZARA YA MAMBO YA NJE NA USHIRIKIANO WA AFRIKA MASHARIKI:**



**19. MHESHIMIWA HAMAD SALIM MAALIM (KOJANI):**

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:- Kwa kuwa Mabadiliko ya Kumi (10) ya Katiba ya Zanzibar yanaitambua Zanzibar kuwa ni nchi:-



Je, ni lini Serikali ya Jamhuri ya Muungano wa Tanzania itairuhusu Zanzibar kuwa na uwakilishi rasmi katika Jumuiya ya Afrika Mashariki.

**IV. HOJA ZA SERIKALI:**

**WAZIRI MKUU:**

Kwamba, Bunge likubali kupitisha Makadirio ya Mapato na Matumizi ya Ofisi ya Waziri Mkuu kwa Mwaka wa Fedha 2018/2019.

**DODOMA  
04 APRILI, 2018**



**S. KAGAIGAI  
KATIBU WA BUNGE**

**BUNGE LA TANZANIA**